



Ongeleki ya Elcn, otayi kwatha mokumonena Ongwediva aalongi

okupopya naanashilonga yayo yamwe kombinga yompumbwe ndjoka.

Ompumbwe moosikola ndhoka, oya holoka mo aniwa sho aalongi yetanga lyegameno lya SA yi ikutha mo ombadhilila noshikondo shegameno inashi ilongekidha we okugandja yalwe sigo omikundu dha kuthitha po mboka dha kandulwa po.

Aalongi ye vule 20 ya kala haa longo moosikola ndhoka ndatu oonene mOwambo, oya hulitha po iilonga yawo. Opwa pita ngashingeyi ethimbo ele iilyo yetanga lyegameno tayi longo moosikola ndhoka dhomOwambo.


Pauyelele mboka wa holokele miifonkundana yilwe, opwa holoka okwaatsa kumwe pokati kaalongi mboka noshikondo shelongo moshinima shomaudhano moosikola ndhoka mokati kaalongwa.

Omukwathi gwomumbisofi pombelewa pOniipa, omusita M. Amadhila, okwe shi koleke wo kutya oshikondo shelongo otashi ligamene kosikola onene yaShigambo, nako ku shi zile omulongi gumwe nenge shi vule okukwatha mompumbwe ndjoka yaalongi kOngwediva.

Manga aanashilonga yalwe paugumwe wawo nayo wo Ongeleki oya kala omasiku ga zi ko tayi ikundakanitha nayo omolwonkugo ndjoka tayi zi kOngwediva koshikondo shelongo.

Tala kep. 2

SEPTEMBER 15, 1985



KuSebulon Ekandjo

Ompumbwe yaalongi ndjoka ya holoka po ombaadhilila moosikola oonene adhihe dhomOwambo; Ongwediva, Valombola naMweshipandeka, oya thiminike oshikondo shelongo okumatuka

mpaka naampeyaka okumonena omahala ngoka aalongi.

Ongeleki yaELCN (Eloc) oyo yimwe ndjoka oshikondo shelongo sha hedha nale kuyo petameko lyomwedhi nguka okukonga ekwatho. Pakuuva Ongeleki kombinga yayo oyu uvu ko ompumbwe ndjoka nolukeno olunene noya uvaneka


Aambisofi ya Namibia ya tsikwa oohapu

Da dja kep. 1

Omumbisofi gwOngeleki yaAnglikan, James Kauluma nomumbisofi gwa ELCN ELOC Kleopas Dumeni, oya tsikwa oohapu oonkunkutu sho pwa leshwa miifo yimwe muEngland kutya oyu ulukilwa kompresidende gwaSwapo, Sam Nuujoma elandulathano lyomadhina gaamboka ye na okudhipagwa mepangelo lyopokati.

Etsakaneno lyaambisofi mboka nomuwiliki gwaSwapo, otaku ti olya ningwa muLusaka muJuni. Oohapu dhi thike mpoka, odha gandjwa kiifo koshilyo shimwe shomopalamende yaBritania, omusamane Nicolas Winterton.

Ewilikongundu lyOraata yoongeleki muNamibia, olya nyola ombilive kiifo yaBritania opo nakugandja ehokololo ndyoka a gandje ombili montaneho, nenge negele hasho, a tulwe mompangu.



James A. Kauluma,



Kleopas Dumeni

Ehokololo miifo yaBritania olya leshwa okuza 25 Juli nuumvo, Aniwa ombilive ya myolelwa ko koshilyo shepangelo lyoshilongo shoka Winterton. Winterton oohapu ota ti okwe dhi kutha mokana komuwayina gwaAndreas Shipanga (Paul Shipanga) ngoka aniwa a ti kutya Andreas Shipanga yo naMoses Katjuongua omadhina gawo oge li melandulathano lyoonakudhipagwa.

Paul Shipanga okwa nyolele omusamane Winterton ngeyi:

“Oshinima oshidfigu shono ndu uvu po, okombinga ashike yaawilikingeleki, aambisofi yaali; Kauluma gwaAnglikan naDumeni gwa ELOC, kutya omwedhi gwa zi ko oya yile koLusaka okutsakanena naSam Nuujoma noyu ulukilwa omadhina gaantu mboka ye li melandulathano lyokudhipagwa, mbaka noye ga zimine. Momadhina ngoka omu na lyomumwameme Andreas nolyaMoses Katjuongua!

Pahapu dhaambisofi, omumbisofi Kauluma okwa li kuLusaka muJuni 1984 koshigongi shoongeleki adhihe muAfrika, ihe ina mona Nuujoma.

Otaku tengenekwa pethimoo ndyoka Nuujoma okwa li palwe koshigongi shiigwana yahangana. Kombinga ymumbisofi Dumeni opwa pita omimvo odhindji ine enda muZambia.

Omumbisofi Kauluma okwa ti wo kutya ye ina mona ombapila yelandulathano lyomadhina gaadhipagwa.

Omathimbo hamale omusamane Winterton sho a li a talele po Namibia pahyo lyoshigongi shoongundu odhindji. Konima yetalelopo lye okwa ka lundila oongeleki, unene yaAnglikan, kutya oshitayi shimwe sha Swapo.

Ehempululo lyomontaneho olya tegelelwa kaambisofi, omusamane ngoka e li ninge mokugandja ombili nenge otaa yi kohofa.

Sebulon Ekandjo



Pauelele mboka wa gandjwa komukuluntu omupeha gwelongo mOwambo, omusamane Denis Nandi, omahala moosikola ndhoka ogu udhithwa nale kaalongi aavalelwa mo.

Aalongi yatatu yaakwiita oya zile moValombola, 15, omOngwediva yo yene nayatano ya zile muMweshipandeka.

Aagundjuka yaali, Immanuel Dumeni naPenda Kiiyala, oyo ya popiwa nayo kOngeleki moshinima shoka noya taamba ko ehiyo. Dumeni Ongeleki oya adhika opo ye mu langeke mosikola yokombanda yOngeleki mOshigambo, manga Kiiyala naye okwa li a tegelela Ongeleki ye yi mu uthile shoka ta ka longa, konima sho a mana eilongo lye muAmerika. Okwa adhikwa e li natango mefudho.

Pashifonkundana Windhoek Advertiser 6.9.1985, Majola gwaakiita mu SWA, Georg Meiring, ota ti aalongi yaakwiita ezepe lyawo kali shi oshinima shaaluhe.

Elangekwo lyaavalelwa mo momahala ngoka ga ziwa, omusamane Nandi ote li tala, kutya oshinima shaaluhe oshoka oshikondo she osho sha humbata oshimpwiyu shelongo alihe mOwambo.

“Kakele shila kwaangoka ye mwene u uvite kutya okwa hala okushuna kiilonga ye hoka a zile ko,” osho a tumbula koMUKWETU.

Pauelele mboka wa likolwa koMukwetu moshigwana ayehe mboka ya kundathana nOmkwetu kombinga yelangeko lyaavalelwamo moosikola ndhoka oonene, otaye shi pandula noya yuulukwa shi tsikile ngaaka. Omolwonkalo inaa pitika omadhina gawo ga holoke moshinyolwa shika.

Omolwompumbwe yaanashilonga tayi thelekenya nomOngeleki, euvito lyayo olye yi holola koMUKWETU, kutya, aanashilonga mboka tayi mono ya ka kwathe hoka, otaa kala ashike manga sigo ehulilo lyomumvo nguka.

Otwa taamba iipopiwa oyindji yi na omadhina giifundja, Kashi shi oshiwana. Aluhe holola edhina lyoye lyoshili, ngoye tu tseyithila wo ngele ino hala li holoke poshinyolwa shoye, ngoka ogwo omukalo hagu longithwa apehe.

Amushanga gwOmkwetu

Omufimanekwa

Omukundaneki Halweendo hano oha kana po manga ile okwa ililila? Fye ovaleshi vOmkwetu owe mu djuulukwa nohatu mu pumbwa unene. Alikana ne tu kundaneke!

R. K. Shalyefu

ONTENGENEKOTHANEKO YA ELCN-ELOC YA KOLEKWA MELELONGELEKI

Omwaalu gwiimaliwa R 950,000 ogwa ziminwa kElelongeleki lya ELCN, gu ninge ethaneko lyelongitho lyiimaliwa mOngeleki ndjika omumvo tagu ya. Ethaneko poshitaafula olya tulwa po komudhiginini gwiiniwe ya ELCN, Sakeus Hekandjo.

Iimaliwa R 20 000 methaneko ndyoka oya tegamena omwakwatho komagongalo giitayingeleki ine yOngeleki, ngoka tashi vulika ga gwile muunyengwi wokwiikwatha painiwe.


Omumvo 1984 omagongalo gomiitayingeleki itatu; Ondonga, Uukwanyama naKavango, oga kwathelwe omwaalu R 34 931,26 agehe kumwe. Omwaalu omunene pauyelele wombelwa yiiniwe, ogwa yile koshitayingeleki shUukwanyama.

Omulandu gwiiniwe yOngeleki omagongalo ogo ge na andola okukala olunza olunene lwoshiketha shopokati shOngeleki, shi wape okutsakanitha iilonga yasho. Uunkundi womagongalo owo we etitha po elandulathano ndyoka lyoshiketha shoka osho shi ka hehele iimaliwa muuyuni omolwasho shene nomolwomagongalo wo ngoka taga nyengwa.

koshiketha oshinene shopokati. Ogendji gomugo oge shi pondola, ihe pauyelele mboka wa gandjwa komudhiginini gwiiniwe, omagongalo gamwe oga tameka ishewe okugwila po.

Pondje muuyuni nosho wo meni lyOngeleki, oku na aantu yamwe mboka ye na eitaalo kutya omagongalo ga ELCN, ina nyengwa okuthikitha Ongeleki ndjoka meipangelo painiwe, ihe okwaauvako ondilo yoshinima shoka okwo akuke taku pangele.

Uunzapo umwe moshinima shoka hau gandjwa mpoka okukoleka eitaalo ndyoka owomatokolo gaakwanegonalo mokwiitungila oongeleka dhawo yene pwaa na ekwatho lyopondje.



omwaalu R 290 000, osho wo Ehanganotumo lyaSoomi nomwaalu R 259 000.

Iimaliwa mbyoka hayi zi komahangano ngoka omo unene hamu zi ekwatho lyokomagongalo nenge ekalekopo lyoosikola dhOngeleki ngaashi osikola yokombanda yaShigambo neputudho lyaasita kOtjimbingwe, oosikola dhOmbimbeli, iilonga yetumo nosho wo yilwe.



Omudhiginini gwiiniwengeleki S. Hekandjo

Omwaalu R 950 000 ngoka gu li momukanka gwontengeneko ndjoka tayi tameke naJanuali 1986 sigo Maalitsa 1987, ogwa shonopekwa niimaliwa R 93 170 okuyeleka naangoka gwa zile komumvo 1985 gwa hulile muMaalitsa 1986.

“Shoka osha ningwa sho inee yalulila mo we iimaliwa mbyoka hayi pewa Ongeleki inaayi tseyika mpoka yi na okuza, ya lukwa otayi zi meitaalo nometegameno,” osho Hekandjo a yelitha eyooloko ndyoka.

Nonando omalunza gokomagongalo taga dhimbululwa ga nkundipala nuumvo, omunashiketha Hekandjo ina kanitha natango etegameno lyokutsakanitha iilonga yoshiketha she, ontengeneko ndjoka.

Sebulon Ekandjo

Shika osho sha ningitha Ongeleki ndjika ya simanekwa miinima oyindji yi kale yaa na eipangelo lyasha moshinima shiiniwe yayo.

“Walyewo tuu nuumvo ndjika, kutya otashi ka enda ngiini momagongalo, oshoka omandhindhiliko ngoka ge li po ngashingeyi, otagu ulike uunkundi uunene megongelo lyiiniwe,” osho omusamane Hekandjo a hokololola pOMUKWETU.

Opwa kondjwa muule womimvo 10 dha zi ko, omagongalo gi ithikamene miiniwe yago tango, opo ga gandje wo eithikameno

Oshigongingeleki shomumvo 1984, osha ningi etokolo aakriste ayehe ya kolekwa ya gandje iigandjwa yawo pakulikola; miilya, miimaliwa, miimuna, nomiilikolomwa yilwe mbyoka omuntu ta mono.

Natango elalakano moshinima shika eithikameno lyOngeleki tahi kongwa. Okuza pethimbo ndyoka, sigo onena, okwa holoka omapulo ogendji taga kongo uuyelele nenge taga gandja uusama ketokolo ndyoka.

Ontengenekothaneko ya kolekwa mpaka kElelelongeleki, otayi ulike, kutya Ongongahangano yaAakwaluther oyi li omukoleki omunene gwoshikethangeleki no-

Ovalihongi ovakwetu muJesus Kristus, ohandi mu halele eenghono di pe modula ei yetweni ovanyasha, tu longeleni Omwene manga pe na efimbo.

Omwiihongi mukweni
Liina Tuyeimo Hamukwaya

Iitsa tayi landula mpaka oyo iithwamo momayamukulo gaailongi yomostanda 8 A yomOsekundosikola yaNgandiera.

“Kafu kape u lelema nakafo kakulu osho a li”.
“Ngame onda tokola ndi yakule aakulupe mboka tandi adha ye noompumbwe; oku ya tsila uusila noku ya etela iikuni nomeya”.

“Onda tokola okuyakula aakulupe paudiakoni, tandi ya yogo komalutu notandi yogo wo oonguwo dhawo; tandi opaleke omahala gawo gokulala nogokuuhala, noku ya telekela wo iikulya yi li nawa; unene tuu mboka ye li mompumbwe ndjika.”

“Onda tokola okutalela po aakulupe momagumbo gawo, opo ndi ya yakule mpoka tandi adha ya pumbwa ekwatho, nando oku mu ningila okatee. Otashi vulika wo tandi mu sisidhile puushiinda a hala okuya po.”

“Onda tokola wo okukwathela aakulupe yamwe ngaashi miilonga yepya nokulitha iimuna nenge okukanda oongombe uuna pe na ompumbwe.”

“Onda tokola okulongitha ombasikela yandje ndi faalele aakulupe omeya niikuni; otandi vulu

MOMUMVO NGUKA GWAAGUNDJUKA ONDA TOKOLA OKUNINGILA SHIKE AAKULUPE?

wo oku mu humbatela ko kushono itee shi vulu nenge oku mu humbata ye mwene uuna ta yi nando okoshipangelo nenge, kongeleka.”

“Onda tokola ndi koleke ondhalate yepya lyatatekululu niiti, oshoka iilya ye ohayi lika po kiimuna. Molwaashoka tatekulu oku na etemba, otandi mu etele wo iikuni sho tandi tutu iiti yondhalate.”

“Onda tala nohenda egumbo lyomukulupe gumwe e li puushiinda wetu, ndyoka li na iiti ya gwa nayimwe oya kulupa nayi. Onda tokola ndi ka kwathe okudhika egumbo lye mpoka tandi vulu.”

“Onda tokola ndi tungile kuku ondunda yokulala ya thita nawa moka itaa si we uatalala, ngaashi tau mu hepeke ngashingeyi.”

“Ngele tandi adha omukulupe te ende mondjila, otandi mu mbilikile oshihauto noku mu faalela, opo a falwe mpoka a hala.”

“Momumvo nguka gwaagundjuka ngame onda tokola ndi yakule kuku noku mu yambidhidha, oshoka oha ehama edhengo lyomutima nelondo lyombinzi. Otandi mu kumagidha, opo kaa kale ta fala omadhiladhilo ge muule noku mu hekeleka uuna e na uudhigu; a hindwa nenge a silwa.”

“Onda tokola ndi talele po aakulupe, unene mboka ihaa adha we momalongelokalunga no-moongundumbimbili, opo ndi ya leshele oohapu dhaKalunga noku ya imbila omaimbilo. Otandi ya leshele wo niifo ngaashi Omukwetu nenge Omukuni, nokugalikana pamwe nayo. Otandi indile wo yakwetu esiku limwe tu talele po aakulupe.”

“Onda tokola oku kwathela omukulupe omushiinda gwetu ngoka e li mosikola yeshasho, ihe megumbo oye li mo owala nokatekulu kaake shi okulesha nokape na ngoka te mu longo po iipango nEsakramendi lyeshasho. Onda kambadhala oku mu kwatha pefudho lyaJuni nonda tokola ndi ye komusitagongalo gwetu e tu etele omambo (elongelokalunga) pOshigwana shi li puushiinda wetu, tu gongalele po pamwe naakulupe yetu mboka itaa adha we kongeleka.”

“Onda hala okuuvititha omukulupe uugumbo nombili; itandi mu lombwele nenge ndi mu longele nda geya, opo a pe ndje omayambeko gaTate Kalunga.”

“Kayuhwena hadhela nyoko, nyoko onale e ku hadhele.”

(Omugongeli Liina Mpanda)

OWA TWALELE KO ONDJABI?

- 1. Eshi u li poshilitalelo,
Eshi to litalatala,
Wa li ku litalulula,
Ove to li shemununa,
Owa twalele ko ondjabi?*
- 2. Wa nyemata to ti:
Omesho ange omakula,
Eemhadi dange aaye a
Omatwi ange wuuh!
Owa twalele ko ondjabi?*
- 3. Eshi to keme okuulu kuxupi,
Eshi wa dina eisho limwe,
Ove to nyenyetele Omwene,
To ti: oshike ngaha?
Owa twalele ko ondjabi?*
- 4. Wa shekelela to ti:
Nhumba nani omwii!
Ngadi a shitwa ngahenya?
Hai ti ke na olupe!
Owa twalele ko ondjabi?*
- 5. Litambula ove mwene.
Oushitwe wu uda ko.
U tambula ngaashi u li.
Omushiti ove wu ude ko,
Shaashi ku twalele ko ondjabi.
Ku R. K. Shalyefu*

Oukambelindunge

Oukambelindunge oshinima shii, osheshi otashi ti omunhu oku na eendunge inadi wana po. Omunhu a tya ngaho, oukambelindunge ine u shitwa. Kalunga ita shiti omunhu a kale omukambeli.

Oukambelindunge ohau di mouvela ile omunhu e u toola moshinima shonhumba. Otashi dulika a toole oshinima, ndele oshinima osho tashi toola eendunge daye. Okanona otaka dulu okutoola oboma ke wete tai vema nawa, nani mboli otai eta oshiponga.

Oku hee na eendunge otaku ningi omunhu a kale e hole eumbo ndele ke na ko nasha namwene walo. Osho yo ita dimbulukwa kutya mounyuni omu e li mo, owo eumbo laKalunga.

Ounyuni oku u hole noushikepengeyo wamo, ndele ke na ko nasha naKalunga ou e u shita.

Omalongelokalunga okwa ekelashi, oyoongalele neengudumbibeli okwa ekelashi, Ouwalelo Uyapuki osho yo. Hano osho oilonga youkambelindunge i li ngaho.

Ounyuni ou Kalunga okwe u tanha e u hanaune po. Omukambelindunge osho taka la mo mounyuni ngaashi oshi i li momeva tai dana onghandangala, ohaluka omeva a pwiinina. Kalunga ota ka xulifa poounyuni mepakumo leisho.

Omukambelindunge ota ka ngwadjulwa ashike elaka olo tali ti: “Djeni po, ame inandi mu shiiva noshito.” Ashike nando ongaho omunhu



Omufita P. Munalye

te likukutikile moukambelindunge waye, natango tuu Jesus ote mu pumbwa.

Eimbilo 289

Paulus Munalye


ETALELOPO MEPEMBE 16-18.8.1985

“Otamu silwa oshimpwiyu”, osho omukwathi gwomumbisofi Matti Amadhila a lombwela aanashilonga yomegongalo lyaPembe.

Etalelopo olya li lyotango pawiliko lye ndyoka e li ningi pwaa na omumbisofi okuza sho a langekwa pambelewa moshilonga shoka muJuni gwa zi ko. Etalelopo olya ningwa okuza 16. sigo 18 gaAguste numvo.

Ethimbo ndyoka omumbisofi Kleopas Dumeni okwa adhikile muEuropa koshigongi shongundumpitithi yOngongahangano yAakwaluther muuyuni (LWF) moka e li oshilyo.

Pamwe nomukwathi gwombisofi metalelopo ndyoka okwa li nomukwanepangelongeleki omusita Matias Ngipandilua, omutona-telishitayingeleki omusita Petrus Shipena, Amushanga gwowina gwomumbisofi omusita Set Son Shivute, osho wo omusita Jairus Ugwanga ngoka ta tiwa omuyakuli metalelopo, pamulandu gwomatalelopo gomagongalo mOngeleki ya ELCN.



Omuyevangeliste moshipundi shevululuko Filippus Kambata, ngoka ta talwa omudhiki gwegongalo ndyoka. Ngashingeyi oku li oshilyo oshisimanekwa melelogongalo.

Mosheendo shoka omwa li wo Amushanga gwOmukwetu ngoka a kala mo omolwoshilonga she.

Egongalo Epembe olimwe lyomomagongalo gOngeleki ndjika ngoka ga tetwa ko kekwatathano lyomagongalo omakwawo, kiinano iile yoondjila dhomafululu nopoompito dhimwe dha nika iiponga yiita.

Egongalo olya gama kashona uumbangalan-tuzilo wOndonga konyala ookilometa 80 okuza pOmbelewa pOniipa. Eshona lela oku li yeleka nomagongalo ogendji ga ELCN, li na aakriste 2737 payalulo lyomumvo 1984. Olya dhikilwe pambelewa mulyotango lyaJanuali 1975.

Iilyo mbyoka oyindji yomuyo nayo oya tetwa ko kumwe negongalo alihe, komalondo nokoondjila dhomafululu miinano yookilometa tadhi tengenekwa 30 sigo 40.

Omolwonkalo ndjoka egongalo oli na ihe omahala gomauvitho ge li 9, ngoka ogendji gomugo oshilonga shopambepo sha kwatelwa ashike komeho kuyamwe yomaakwanegongalo mboka nayo opo ya tseye okulesha nokunyola, manga etalelopo lyomusita tali tegelelwa aluhe konyala konima yoomwedhi ndatu nenge ntano nokuli.

“Omuntu nando u kale wa hala, ku na nando nkene to vulu okumana ko omahala ngoka netalelopo”, osho omusita megongalo ndyoka Nikanor Shuukwanyama a holola uudhigu woshilonga shopausita kumboka ye li momalyowalyowa.

Omusita Shuukwanyama ota longo pamwe nokangundu okashona kaakwanegongalo yatano haa taamba ondjambi. Okangundu hoka ohaka yambidhidhwa kuyakwawo ye vule kashona 20, mboka yi iyambela eyakulo pwaa na ofuto yasha.

Okongundu ndjika ayihe kumwe omuwilingeleki Amadhila a gandja eshilipaleko lyopambepo sho e ya lombwele: “Omwa silwa oshimpwiyu kuKalunga, nonando tamu longo mokati koothina.”

Amadhila okwa fatulula oshilonga sheshiloshimpwiyu lyaKalunga kooitaali momagongalo unene tuu aanashilonga mboka ye na iimpwiyu mokati kooyakwawo, pa 1Petr. 5:7-11.

Momeho gomuyenda omudhingoloko aguhe Epembe konyala inagu kanitha olupe lwopantsitwe, kakele kiilikama niyamakuti mbyoka itaayi monika we. Muule womimvo 10 dha zi ko, ehala olya hepekwa kiita. Oomwenyo odhindji odha kana osho wo omaliko gawo.

Okukoleka oshili yonkalo ndjoka aayenda oyu ulukilwa omukulukadhi gumwe ngoka a kanitha pethimbo limwe oyana yane negumbo, osho wo konima yethimbo efupi, okwa kanitha natango omusamane gwe.

Egongalo oli na oshimpwiyu oshindji okwiitunga natango. Pomudhingoloko mpoka hapu ningilwa elongelokalunga, otapu monika pwa napela oondhopi, iipeleki niipilangi yomitenge okwiimonena ongeleka.

Etungo olya tamekwa, li li ondjilakati. Mokuthika po, okangundu okashona kaasamane oke ya taka minike aayenda niikaha ya nika ominoko. Etungo olyevi notali hakanwa manga iikogo yotango inaayi holoka.

“Oshinima shi nyanyudha megongalo ndika, uukumwe waanashilonga. Shoka ye shi uvanene ohaa vulu oku shi gwanitha pwaa na ihelele mokati kawo,” osho omusita gwegongalo ndyoka a tumbula nepandulo kaayenda.

Omikundu omo dhi li wo megongalo ndyoka, ndhoka tadhi hepeke aanashilonga, miilonga yawo, ngaashi iikolitha, eyonuko lyaagundjuka, oondjila oonde pokati komikunda nomikunda nompumbwe yiimaliwa.

Omuyenda megongalo ndyoka, oto lombwelwa owala aantu ye li muule wokuti moka, ihaa adhikwa keyakulo lyopausita omoluukule. Kaye na oosikola dhuunona omolwiita nokaye na ekwatho lyasha lyopauamiti:

Muule womasiku gaali netata getalelopo lyopambelewa kegongalo ndyoka egundjuka, omuntu oto dhimbulwa wo efaathano lyomikundu ngaashi tadhi adhikwa wo momagongalo galwe ga ELCN.

Kuyamwe Osoondaha itayi yapulwa, omikundu pokati koondjokana, epunduko lyaagundjuka, elongithonayi lyiikolitha noluhupo lwiimaliwa megongalo. Mbika ayihe oya pendutha oshimpwiyu oshinene melelo lyegongalo ndyoka omolwonakuyiwa.

Ihe egongalo ndyoka egundjuka oli na oshindji okwiitangela. Aanashilonga opo ye li nando inaa gwana, egumbo lyegongalo opo li li, oongundu dhaakiintu, dhaagundjuka nadho omo dhi li, tadhi kondjo. Nongundu onene otayi kongo natango emanguluko moondjo notayi holoka kuUulalelo uyapuki nopoohapu dhaKalunga.

Egongalo oli na omwaaalu omunene gwaAkwankala, aantu mboka onkalomwenyo yawo olwindji yi na okweendjelela ashike kuyalwe. Omolwaambaka nomolwomikunda odhindji ndhoka dhi li kokule neyakulo lyopausita, egongalo olya pumbwa ashike okuunganeka oshilonga shalyo opo li tseye onkondo dhalyo mpoka tadhi vulu okwaadha naampoka tali nyengwa.

“Otatu mu kumagidhitha esilohenda lyaKalunga mwaaye li taambe osima ihe mu li dhiginine. Oshoka otu na Kalunga te tu uvu ko, te tu kwatha note tu hupitha muudhigu,” osho Ngipandulua a kumagidha egongalo ndika.

Omapulo ogendji nkene ye na okutsikila pambepo nenge palutu megongalo ndika oga yamukulwa kaatalelipo pankundanathana, moshigongi shaanashilonga nenge pamwe negongalo alihe.

Sebulon Ekandjo

Okutunga nenge okuteya?

Oshigwana pethimbo ndika osha pwila unene melongitho lyiikolitha pwaa na nando edhiladhilo lyokulalakanena onakuyiwa. Ngele uu.nona mboka tau ka ninga onakuyiwa, otu hepa pethimbo ndika omolwiikolitha, ano itatu tegelele we etungo lyasha lyoshigwana, ihe oku shi teya po ashike.

Lamek Israel

OMUWILIKI OYE OMUYAKULI



ndeke ovanhu aveshe nava kale ve fike pamwe mefiloshisho loye lopashilonga.

Ou ihamu lipe naye meefenya, ile e ku nyamukulile nai onghela pokandingosho, ino mu lalula ile u mu alulile owii ngenge e uya kwoove a pumbwa eyakulo. Ou e ku landelele mo onghela, haye u yakula tete. Oinima yomonghalafano, nai kale yomonghalafano, oilonga nai kale oilonga.

Ngenge oho yakula ovanhu pakwatafano leni navo lomonghalafano, unene, tuu ngenge oho tala kwaashi have ku ningile, osha yela kutya, oho tambula ombubo. Ku lidule naau ha tambula ombubo sha yukilila. Omunhu keshe oku na oufemba wokuyooloka naave momadiladilo, ndele itashi mu imbi u mu yakule nawa pashilonga shoye.

Okuyakula omunhu wonhumba pomunghulo molwomatomhelo onhumba, Osho omukalo wa shiivika nawa nowa tambulwa monghalafano yetu, nande kashiimba hakovanhu aveshe.

Okuyakula diva ndokotola ile omuhakuli, a ka hange ovanaudu vaye, omuhongi a ka hange

eerundi, omufita a ka kunde ovakwaneongalo, ile omunashilonga keshe e na eendelele molwoshilonga shaye, eshi hasho okatongotongo. Okukaleka ovakulupe ofika momukweyo, fimbo ovanyasha tava yakulwa, shaashi ovo ve ya tete, kashi na nande efimaneko, sho ka shi na onduge yasha.

Oshiwana shetu ngenge otashi lalakanene eputuko ngaashi oiwana ikwao, oshi na ashike okudimina okukaleka po omayakulo opamhumbwe a ty a ngaho.

Ino litadela ouwa we u longa mewiliko ile meyakulo loye. Ngenge owa mono onghenda yokulonga oilonga yoye nawa nokweetifa po sha shiwa molwewiliko loye, lungama u he litange. Ehongaulo eli, oli li popepi nomunhu keshe unene tuu omuwiliki.

Dimbulukwa alushe kutya, omunhu ye mwene oshilongifo ashike meke laKalunga, ye mwene ke fi sha, onghe naave ku fi sha. Ngaashi naana ekuva la upikwa nawa li li momake omulongifi omunanghono tali dulu okuka po omuulu wa kula, ndele tapa holoka aluhaela, nongaashi opena meke lomushangi tai dulu okushangifwa sha, ndele tai lundulula onghalafano, osho yo omunhu meke laKalunga ta dulu okulongifwa oilonga ya fimana.

Ekuba ihali padulwa nopena ihai fimanekwa, ndele omulongifi oye ha pewa epandulo nefimaneko. (Dan.2:30) Otu na okutambula nokuhafela omapandulo nomafimaneko aa hatu pewa kovakwetu, molwewiliko ile eyakulo letu, ndele nashi kale ongunga yetu okuyandja efimano alishe kuKalunga. (Eps. 115:1).

Sho vene kashiimba osha pumbiwa ngaho okushiiva kutya omuwiliki naye oha handuka, ndele kashiimba inashi pumbiwa ku shiivike kutya omuwiliki oye omuhandunhu. Ovanhu ova nyenga okukala navo. Oshidjuu komunhu wombelela nohonde okulonga novanhu, ndele inave ku handukifa.

Ashike nande ongaha omuwiliki muwa oye ou ha handuka olufe ile iha holola ehandu nandenande. Okulongifa ile okupangela ovanhu neendunge, oshipu shi dule okukendabala u va pangele nekuni.

Oshiwana shetu inashi hala nawa okutambula nokulineekela ovawiliki Ovalaule, ovo pakutala kwange ve li efano liwa lemanguluko eli hatu kondjele. Sho eshi luhapu osho ngaho sha etela ovawiliki vahapu omikundu noshe va teya omukumo, shaashi ovawilikwa luhapu ove na eamo lokunongonona tete onakudiwa yomunhu.

Ngenge ove i dina ohava anye yo okulineekela ewiliko laye nande nali kale liwa shi fike peni. Ovalaule kave hole elenga ve shii ina! Eshi osho naanaa tashi imbi oudemokoli u twame nawa muAfrika yetu.

Ashike nande ongaha, omuwiliki oku na alushe okudiinina oukwatya womuwiliki nokuholola alushe elineekelo nelitulemo laye mosnilonga shaye, osho e shi lineekelelwa. Etumbulo eli tali shikula apa, oli na okukala omunghapo womuwiliki nomuyakuli keshe: "Mangongoto aava to yakula outondwe waava to kwafa."

Taku twikilwa

ETWIKILO:

Okukala kwomonghalafano hako naku pangele mewiliko ile meyakulo loye. Ngenge ope na ovanhu vamwe mu lihole navo, hamu talelafana po nohamu paafana omilongelo, hasho nashi ku nwefe mo u va longele ouwa shi dulife ovanhu vakwao. Ookaume koye vomonghalafano nava kale ookaume koye vomonghalafano,

OMAMBO

OMAMBO TAGA LANDULA OTAGA MONIKA MOSTOLA YOMAMBO KONIPA Oshako 2013, Ondangwa 9000

Tuma embesiteleo lyoye pamwe nofuto. Ino dhimbwa ko 50c dhopoosa kembo kehe! Omambo itaga tumwa moongunga nandonando.

Imbileni Omuwa	2-25
Imba omunona	1-00
Okambo kopeke	0-55
Ehokololo lyomahepeko gaKristus	1-00
Okambongeleki Nd/K	2-10
Mavole gaShipanga (Ch. Muteka)	1-10
Enota ile Ondjala? (V. Munyika)	2-60

Udhitha e to tete mpa) _____
Mbestela ngeyi:

Tumina ndje omambo taga landula:

.....	edhina lyembo	gangapi
.....	edhina lyembo	gangapi
.....	edhina lyembo	gangapi

Ote patele mo opossorder yoo R _____

Edhina lyandje

Ombokisa yandje

Opoosa/oshilongo mo ndi li

Tangi unene kevakulo lyoye.


Tu ilikaneni tu he na edimbuko

Oshiwana oshiholike, tu lituleni meilikano, Omwene ota nyamukula. Eilikano otali mbilipaleke oonyuni, otali dula okuyelula omivelo deedolongo, otali alula oshiwana shetu osho sha halakanena oonyuni.

Kalunga oha longo pefimbo nopotundi oye aeke e i shii.

Helvi T. L. Hamukwaya
Engela

Uuthemba wopasport ya-Andimba wa hulu



Otaku tiwa omusamane Andimba Toivo yaToivo, opasporta ye sho ya kanitha oonkondo petameko lyomwedhi nguka, kee na we uuthemba wokulyata muNamibia.

Ombapila ndjoka yuuthemba, Andimba okwe yi pelwe muSeptemba, gwa zile ko noyali ya pewa ashike uule womumvo gumwe.

Omusamane Andimba oku li ngashingeyi Amushanga omukuluntu mEhangano lyaSwapo, onkatu ndjoka e yi hogololelwa konima yethimbo efupi sho a mangululwa mondholongo yomimvo 20 kOntuntu yaRobben. Okwa kala ko ashike omimvo 16.

Pehulilo lyaAguste numvo, Andimba okwa li a tindilwa eziminino lyokuya moshilongo shaAustralia, manga inaa gandja euvaneke lya nyolwa kutya ita ka popya nando moshilongo shoka oohapu dhokusikumudhila elongitho leyekuni muNamibia nenge palwe.

Moshilongo shoka Amuehanga Andimba okwa li ta ka kala moshigongi shoonkundathana omolwemangulukjo lyaNamibia. Konima eziminino okwe li pewa.

Australia okwa gandja eziminino moshilongo she nu dhikwe ombelewa yaSwapo ngaashi sha ningwa miilongo oyindji yaEuropa.

Katu na vali oshiwana shokomesho

Ngenge to ende poundingosho oto hange mu na okaana taka pindi kongoma. Peekamba dovakwaita oto hange po onduba younona tava kondjele oikulya ya lilwe nale. Ounona ova ninga ovayuululi vomivelo doubesha.

Ounona aveshe ava va li ve na okukala natango mofikola. Oonyuni wopaife oo oonyuni wexumokomesho, nowekondjelo lehongo. Ohatu ka kala noshiwana inashi longwa? Ounona ovo oshiwana shokomesho.

Ondi wete nge osho tashi i ngaha, katu na vali oshiwana shokomesho. Ohatu ka hanga peni ovanambelewa novatoloki vomalaka va pyokoka nawa?

Ovadali novawiliki voshiwana nava tale nawa oshinima eshi manga oshiwana inashi ninginifwa.

Johanna Martha Julius
Ponhofi

XX

Omalenga manene noulengwena omu na ongunga yedu eli, mwe li pewa kuKalunga mu li longe nye mu lele ovanhu vaye, mu va amene, mu va kwafe ngenge va mona oiponga ile ngenge tava hepekafana ile tava hepekwa.

Tu likwafeni momaudjuu. Mwene woshikandjo iha futu sha ngenge ta nangala oshikandjo shaye, ndee ye oha futifa omikunda domoshikandjo shaye ngaashi a hala, kutya eengobe omulongo ile omulongo nambali walye oko.

Mwene womukunda oha futifa omaumbo omomukunda waye ngaashi a hala, eengobe mbali ile nhatu ile oimaliwa R400.00 ile R1000.00 Eliko li fike opo, ohali ningi po ashike lomunhu umwe, ile vavali aveke ofimbo oshiwana shi he na odjo yoku eta eliko movakwashiwana. Eliko loshiwana shetu ohali i peni?

Oifuta yoshiwana nar tunge oshiwana shetu, i ninge yetweni atusheni, opo haninge yaumwe ile vavali aveke.

Job P. Nghatanga

Eyakulo lyaasita yaAnglikan metanga lyaakwiita ya SA lya kundathanwa moshigongingeleki

Ongeleki yaAnglikan mu S Afrika. oya kundathana moshigongingeleki shayo numvo eyakulo lyaasita yawo mboka taa longo mokati ketanga lyegameno lya SA muNamibia. Oshigongi osha hulile 20 ga-Juli.

Epulo olya thikamene Ongeleki ndjoka momimvo dha zi ko, sho Ongeleki ya ningile ekonakono moshitopolwa shokoongamba muNamibia moka ya pulakene omahokololo ogendji gomahepeko taga ningilwa aavalelwa mo.

Osha yelee wo Ongeleki ndjoka kutya aasita mboka ya longo oshilonga shopausita koongamba, moshinima shomahepeko inaa kuthwa kumwe netanga alihe lyaakwiita ndyoka wo iilyo yimwe yi li aakwanegongalo yaAnglikan,

Etalelopo lyotango olya li lya ningwa muFebuluali 1983 koshikondo shuuyuuki noshedhiminathanopo mOngeleki ndjoka. Osheendo osha li mewiliko lyomumbisofi omukuluntu Philip Russell.

“Otwa haluthwa metalelopo lyetu kushono twe shi dhimbulula notwe shi uvu. Otwa sa ohoni sho Ongeleki yetu ya tokelwa nani okuya-mbidhidha nokuuva ko oshigwana shaNamibia momahepeko gasho,” osho gumwe gwosheendo a holola euvito lyawo.

Oshigongingeleki shOngeleki ndjoka ohashi ningi aluhe konima yoomvula ndatu. Omathaneko ga ningwa noga kolekwa otagi indile:

+ Aasita meyakulo lyaakwiita ya monike ngaashi aakalelipo yaKristus noyongeleki ye, nohaku ifaathanitha nando nuukwiita.

Shoka nashi monike momizalo dhawo ndhoka dhi na okuzimunwa kOngeleki noketanga lyegameno.

+ Omusita meyakulo lyaakwiita kee na okuhumbata iikondjitho.

+ Omusita meyakulo lyaakwiita na kale ha futwa kOngeleki ye.

+ Aambisofi naa se oshimpwiyu ya mana mo, opo ya kuthe omusita ngoka a talwa e na omagano meyakulo ndyoka.

+ Ongeleki moshinima shoka nayi longekidhe omautho ga yela okuputudhitha aasita yomeyakulo lyaakwiita.

+ Aambisofi naa kale ya yelithila nawa aasita mboka taa yakula mokati kaakwiita, nokutya kaye na okulonga oshilonga shoka ethimbo alihe, yo kaye na okunwethamo komulandu, komadhiladhilo nokonkalo yopakwiita.

+ Aambisofi naa gandje uyelele wa gwana kaakwiita yu uveko oshinakugwanithwa shomukriste kehe e li miilonga yuukwiita.

+ Aasita meyakulo lyaakwiita naa fale aluhe ehokololo lyiilonga yawo kaambisofi.

Opwe etelwe wo ethaneko ngele momauthompango otamu etwa elundululo, opo aasita mboka taa yakula muukwiita, koongamba dhaNamibia ya kale haa pewa eziminino ko-bisofi gwaNamibia.

Omumbisofi omukuluntu Russell okwa ti ye kombinga ye ota ka kondja opo oshilyo kehe shOngeleki ye metanga lyegameno shi kale sha mona eyakulo lyopausita.

Etokolo ekwawo lya ningwa moshigongingeleki shoka aambisofi oya pewa oshimpwiyu opo ya ka yelithile ooministeli, yaaniilonga naandjoka yoshikondo shegameno, kutya Ongeleki inayi pumbwa we yi kale noshilyo shaaluhe mokangundu kiinima yopakwiita.

Ehokololo olya ti kutya uukwashilyo wongeleki mokangundu hoka owa pingathana nomadhiladhilo gongeleki, ngoka taga popile omuntu kehe a kale e na uuthemba wokutinda okulongithwa muukwiita.

Okangundu ohaka konakona oshinima shokutulwa miita koonkondo nohaka hogololwa kepangelo. Ehokololo olya tsikile lya ti, Ongeleki yaAnglika itayi pangula mbo? aa longo metanga lyegameno, ihe otayi popile eiuvu lyomuntu mwene li simanekwe.

(Seek-Aguste 1985)

Ova shangela nge tava ti.....

Okudja kOstanda 1 fiyo 5, omuhongwa oku na okukala a pita Omwaalu. Ondi shi shi eshi oshinima shidjuu, ndele kape na oshinima shiwa hashi monika nokapala ka yela.

Ohatu kanifa ovalongi vOmwaalu molwokweefapo Omwaalu. Odjapo yopombada i he na Omwaalu otai ti shike? Omunhu ota kufa oshinima shipu nande eshi shidjuu ote shi dulu, ndele omolwaashi ashike eifano laye e he li shii.

Ehongo olo onakwiwa yoshiwana paputuko loshilongo.

Walther Shilongo

Vanyasha vakwetu, otwe lininga unene kakombo lilifa, ihatu dulika vali kovakulunhu. Hatu shekifeni onyasha wetu, natu li humbateni nawa.

P. Nghilongwa

Vakulunhu vetu, otamu tu lengifa unene osheshi omwa pwila unene moikolwifa. Omaumbo paife eenhangu ashike nomalwoodi nelongelokumwe la nyonaunwa po kepunyapunya.

**T. Nghilongwa
Oshikango**

Fyeni ovanyasha otu neni tuu exupifo? Tu lunduleni onghalo yetu opo tu lixupife kowii wounyuni ou. Ngenge itatu lundulula onghalo yetu, otu na oshiwana eshi konima yetu, otashi i momano.

Ounyuni otatu u te, itatu u hanga, ou li kokule neenghono. Tu lotokeleni ashike kuKalunga ou te tu kwafa tu finde omamakelo.

**Ruben Nekola
Eengedjo**

Onda ile metumo nda talela po kOherero, Okaoko, Okavango nokoitukulwa i lili noku lili, ndele akushe oko onda shakena ko luhapu novakulukadi Ovawambo, vahapu ve li pamakalo wakakombo lilifa, kadi lialula.

Eshi ovanhu tava kondjele emanguluko, hano emanguluko otali ya li he na omhango? Omifyuululwakalo ohatu di efa po hano?

Kunye ovakulunhu vOwambo mwa kwatelelwa Ongeleki, kwafeni moshinima eshi, mu yandje omhango.

**S. Kamati
Klein Aub**

Fye ovanyasha onda hala tu lipule nokutya otu uditeni ngahelipi mokupepa efimano li fike apa onhomenawina, eshi twa pewa omudo? Hano tu kwateni nawa omudo wetweni tu he u nyekwe.

Keshe umwe diinina onyasha woye. Unene kovamwameme ava mu li momaumbo, osheshi ohamu litale kutya Kalunga okwe mu efa.

Keshe omunyasha, dula ko eenghaku ndele to tokola to ti; ame nounyasha wange onda hala okulongela Omwene. Tu kondjeni tu finde onyuni nouwa wao.

Omuud.2:1-14

Vilho K. Nghitilenga

Kalunga ngele okwa mangukula evi lyetu tse inaatu itedhulula, otatu ka kala twa tya ngiini? Oshiponga shuuntu otashi pangele unene pethimbo ndika mooitaali yamwe.

Kalunga ota tegelele tu mu indile tango ombepo yepapudhuko, a wape okupulakena nawa omaindilo getu.

E. Moses

Ookaume fyeni Ovawambo ovaadinwa novapikwa, tu longeleni kumwe ngaashi ovakwaita vaKristus.

**L. Ngh. Kashava
Tsumeb**

Aamwameme aaholike mboka hatu endaenda muumbugantu waNamibia, inatu ekeleheni we iihupe yuusekeleta momwiidhi. Tu dhimeni iikuni mbyoka twa longitha opo twaa yone po ombuga.

Omimvo dha zi ko, iimuna oyindji oya mono uunapelo huudhigu omolwomwiidhi gwa thekekwa po kompila.

**P. Nakakuwa
P/Bag x5529
Oshakati
9000**

Ohandi mu kumaida ovadali mu tunge oshiwana opo shi ye komesho. Ounona nava tekulilwe puKalunga nopovanhu.

Oomeme itatu tungu nande onghalo iwa moshiwana, osheshi ohatu ambeni ootate momaumbo nounona. Okaana ngenge taka nyono meumbo, naka velwe ombedi kwaaveshe meme natate, opo tu tungafaneni.

**L. Naufiku Hakandume
Ponhofi**

Elongo otashi ti okudenga?

Ounona meefikola dopedu nodopombada ohava dengwa kovalongi, edengo li he na ongaba. Ohava dengwa unene ngenge:-

- va tokelwa oku ya kofikola
- va tokelwa okuya kelesho kokomatango (study)
- tava dengwa omolwenyona laumwe
- ile va dopa otutsu.

Kakele komadengo a tumbulwa pombada, onunona ohava dengelwa yo omahala, shaashi ovalongi vetu kave na efimo lokupwilikina onunona momaupyakadi avo.

Nonande onunona vopeedula 13-23 ovadjuu okulela shaashi ove li ponghatu idjuu mokukala kwavo, ovalongi ihave lipyakidile va ude ko onunona ava, vo va tale kutya otava dulu oku va kwafa ngahelipi. Shavo ongola ashike hava kufa! Eefikola dinini lela hadi longifa omikalo di lili nodi lili mokupangela (discipline) onunona.

Alikana, valongi konakoneni nawa edengo meefikola, shaashi ongola oyo imwe yomoinima oyo tai taataa onunona meefikola, tai va pilalake mefimbo lidjuu tu li mo.

Kwafeni nge mu nyamukule nge mOmukwetu, kutya; omolwashike hamu longifa edengo unene mokuputuda onunona? Edengo otali holola tuu ondilo younhu? Ovalongi vamwe ove lineekelelwa oshinakuwanifwa shokudenga meefikola, va ninga ooHamamudibo! Kakele kounona ovo va tila meefikola omolwedengo, okudenga kwoovene otaku eta tuu shili ouwa washa?

**Omuleshi wOmukwetu
Unifort**

Etumwalaka koshiwana.

Koshiwana oshiholike nokomuwiliki wOMUKWETU tate Sebulon, ohandi mu popifile po nOndjovo yOmwene oyo tai monika mo Rom 13:11-14.

Ohandi kumaida oshiwana oshiholike shi lidilulule, osheshi osha ninga Sodom naGomora. Omwene ne tu talulule ye e tu ninge ovanhu vape.

Natu efeni qikolwifa, natu efeni oipala noinima tu ikwao youlunde. Oinima paife otwe i taleni ongokati komokutwi.

**L. K. Hadibo
Tsumeb**




Omulongi omukulukulu Sakaria Naanda megongalo lyOshitayi okwa manene oondjenda dhe eti 17.6.1985 muukocele woomvula 96.

Okwa tameke oshilonga shuulongi 1920, sho a piti moseminali mOniipa, sigo omomumvo 1976 sho a penzelwa.

Okwa thigi ko omuselekadhi gwe noyana 6, aatekulu 35 naatekululwa 8.

Okwa gandja omakundo koshigwana nokaakriste osho ta ti: "Okukalamwenyo kwomuntu kombanda yeve okwo esilohenda lyaKalunga mwene Eps.36:6-11

**Peha lyaavalwa
Shatiwa F. Naanda**



Nakusa S. Naanda

EFYO

Luisse Nehoya lyaShikongo shaKasita (77) okwa dhipagelwa pamwe nonhowele yaye Eliasser Hamulo (48) 6 Juli 1985 pEeembidi moushilo wEenhana. Luise omufiyekadi wanakufya Hesekiel Hamulo. Okwa ka landula omuholike waye nosho ovana vatano ovo ve va tetekelela nale moukwaalushe. Ohatu pandula ovaholike novaitaveli amushe ava hamu tu hekeleke alushe moluhodi letu. Otu shi shii omalikaneno eni otaa longo notaa ka nyamukulwa pefimbo la wapala.

**Ponhele yeefiye
Haukelo Maria Hamulo.**

Omukalimo gwomegongalo Eheke, omusamane Timoteus Tangeni Ekandjo okwa mana oondjenda dhe 20 Mei 1985 moshipangelo mOshakati, konima yuuwehame wethimbo ele, mepipi lyomimvo 59. Okwa thigi po omukulukadhi, gwe noyana 5

**Peha lyoyana
Maria Twewaadha Ekandjo**

Ongombe nomulumentu

Aalumentu yopethimbo ndika oye na tuu ompito natango yokuhupitha iimuna yawo kondjala pamukalo ngoka gwa longithwa kooyinakulu?

Kepulo ndika enene, omusamane Seppo Kalliokoski, mOnandjokwe, okwe li pe eyamukulo li shi okudhiladhilitha omuniimuna gwongashingeyi.

Moshipopwiwa she moshituthi shomaulikilo giimuna mOgongo omwedhi gwa zi ko moka omusamane Kalliokoski a sindana mondjambi ontyali, okwa ti.

Pethimbo ndika aantu oyi indjipala nomalundu gomwiidhi oga shonopala. Iimuna wo yo yene oyi indjipala shi vulithe shito. onke omukalo omupe gwokupita noongombe pethimbo ndika ogwa pumbiwa gu kongwe mbala."

Omusamane Kalliokoski ngoka a pewa oshimpwiyu shetonatelo lyoprojeka yofaalama ya ELCN, okwa ulike moshipopwiwa she komikalalo dhopaali dha simana muunafaalama.



Oyendji oya ka talele omulikilo guanamapya nuuniimuna esiku ndyoka mOgongo.

1. Ehogololo lyiimuna momaludhi giimuna gopalutu a kuthe ndoka a hala okulongitha .

Oludhi lwoongombe dhonyama, dhomahini nenge dhiilonga. Oludhi lwoongombe

dhiilonga olwo lwa kala lwa munwa mOwambo nolu na esiloshimpwiyu epu kashona.

2. Uuna omuntu a hogolola oludhi lwontumba, oku na oku lu sila oshimpwiyu pamukalo gwalwo. Shoka Kalliokoski okwa ti osha kwatelela mo:

a) Ekongo lyontsezi yoludhi ndoka opo oongombe dhaa vundakanithwe we nomaludhi galwe.

b) Iikulya mbyoka hayi opalele oludhi ndoka osho wo epango lyopaunamiti.

"Kashi ko medhiginino lyiimuna, u kale u na oongombe odhindji ngele wa hala oludhi oluwanawa, talu ku kwatha ngoye mwene noshigwana ashihe," osho omupopi a ti.

Okwa gwedha ko wo kutya ye ita kumagidhile omuntu oludhi ndoka e na okuhogolola. Uupenda womuntu mwene owo nau mu wilike.

Ashike shono te shi kumagidhile aalumentu ooyakwawo osho shoka ya konge omikalalo omipe medhiginino lyiimuna opo pu tsakanithwe oompumbwe dhoshigwana shono tashi indjipala neulumo.



Ofaalama yiikombo mOgongo.

Omukalo gwokudhana iituthi yoohango mOsOndaha kagu li mondjila nando

Olwindji ngashingeyi oomwenyo dhaakriste otadhi ehama nayi unene okutala oongeleka dha ELOC dhi li owala mOsOndaha, ihe omolwoohango hadhi hokanithwa mOmatihamano. Ooitaali ya li ye nokukala momalongelokalunga omayapuki nokuyapula esiku ndyoka.

Omukalo gwoohango hadhi dhana mOsOndaha mu ELOC mOwambo kagu li mondjila nandonando.

Nale oohango okwa li hadhi dhanwa nohadhi hokanithwa mOmatitatu mokati koshiwike, sho taku ka thikwa mEtihamano oohango odha pwa, opo aakriste Osoondaha ya wape oku ka pulakena oohapu oondjapuki nokukala momalongelokalunga.

Elelongeleki lya ELOC otali indilwa nesimaneko opo li tale mbala oshinima shika, shi mone ehulilo mbala mu ELOC okuhokanitha mOmatihamano nokuyona po okugongala kwaakriste momalongelokalunga momasiku gOsoondaha.

Pamwe Omuwa Kalunga te tu geele? Amos 5:21

Omathambo ngano omadhigu tu kaleni poohapu dhOmuwa momalongelokalunga omayapuki, hamiituthi tayi tu keelele kohapu dhe. Rom.13:13-14

Emma Shikongo

Sebulon Ekandjo

TU LYENI OONDHINDHI TU NDHINDILIKENI

1. Otatu pandula Kalunga
Tatu ligolele Pamba
E tu pe omvula ayihe koonono
E tu longekidhile hetatu nantano oshali
Noondunge nuupenda tu gu longithe
Nombili nenyanu tu kale mugwo.
2. Aagundjuka momvula yetu tu gundjukeni
Aanyasha momumvo nguka tu ndjangukeni
Pambepo palutu tu ngathaneni.
Miigongi moongundu tu gongaleni
Nelalakano omvula yetweni tu simaneke.
3. Esipa lyuulumbu aagundjuka tu kaleni
Oshigwana shokomeho tu dhiladhileni
Uusiku nomutenya tu indileni
Esiku notundi tu haleleni
Evi lyetu omayambeko li ka pewe wo.
Ku: W. Mweendeleli

ESHIVO KENONGELO MOMUDO 1986

Enongelo lovayakuliongalo, mEngela, otali tambula momudo 1986 ovalongwa tava shikula:

1. Ovadiakonilongwa 12
2. Ovatekuliumbo 15
3. Ovayambididwa 15
4. Ovapofi neembolo ohatu tambula ashike 4 fiyo 6, shaashi otu na natango ovo inava mana ofikola yavo.

Eshi tashi pulwa kovadiakonilongwa:

1. Eindilo loye mwene omo to holola ehala leifano loye.
2. Odjapo yo Std.5 ile i dulepo, ile ya dimwe domeefikola dongeleka ya ELCN -ELOC.
3. Epopilo la Ndokotola molwoukolele woye.
4. Epopilo lomupashukili woshitaingeleki sheni.
5. Epopilo lomufita pamwe neleloongalo la shainwa nawa komukulunhuongalo, nomufita.
6. Epopilo lomulongi woye wongudu ya xuuninwa.
7. Ombapila yeongalo.
8. Na kale e na eedula 20-35.
9. Na kale yo omwiinkelwa e shii okulesha nokushanga Oshiwambo ile Orukwangali.
10. Ohatu ka ninga ekonakono letambulo meti 22.1.86 ongula potundi 8.00
11. Ofuto yofikola R40.00
12. Ofikola otai ka kala eedula nhatu.

Omaidilo naa fike manga Desemba 1985 inau fya.

Osho tashi pulwa kovatekuliumbo.

1. Odjapo yo Std. 4 ile pombada
2. Epopilo lomulongi
3. Eindilo loye mwene
4. Ombapila yeongalo
5. Epopilo laNdokotola omolwoukolele woye.

Ohatu tambula oilyo yeengeleka adishe. Ofuto yofikola nomolwoilongifo noipumbiwa mofikola ei oyo R80.00. Ou wa tambulwa oto ka tuminwa efiku omo ofikola tai hovele.

Imaliwa ei inamu kwatelelwa yomudjalo wofikola, i fike lwopo R 25-00
Ovayambididwa ohatu tambula aveshe naau ina shashwa.

Omaidilo aa naa fike diva manga eti 25.11.1985 inali fika, kondjukifi tai landula:

Enongelo lovayakuliongalo
Engela
P.O. Box 116
Oshikango
9000

F. Shikomba
Omukulunhufikola

Ehanagno lya ENOK inali popilwa ku dr. Thomas

Omweekonomi omuprofesoli Wolganga Thomas mouniveesiti ya SA ina popila nando ehangano lyomapendulopo gomihoko, ENOK, li tsikile natango niilonga yalyo muNamibia.

Pashifonkundana sha Advertiser, sheti 8.8.1985. omuprofesoli Thomas shoka okwe shi

popila mOvenauka omasiku ga zi ko.

Ehangano lya ENOK olya tameke okulonga muNamibia, ehangano lya BBK sho lya hulitha po iilonga yalyo muka. Aawambo oyendji oye na eitaalo kutya B.B.K. oye a shashwa edhina lilwe a ninge ENOK.

ENOK oha longo unene momavigumbo ngaashi Transkei moka dr Thomas a ti kutya namo okwa hulitha po iilonga ye ngaashingeyi.

Ependa la ka tulumukwa manga

Ongulangula yeti 21 Juni 1985 kOshipangelo shEpagelo mOshakati, omwa dja elaka loluhodi kutya omuhongifikola Olavi Abraham Hangula, okwa xulifa oweenda waye, moukulile weedula 45. Okwa dalelwa mOnekwaya, meongalo Engela.

Omudo 1960 okwa pita mofikola yovamati kEngela nde ta ka twikila ofikola youhongifikola mOseminali yaNgwediva, omo a pita 1962. Oilonga youhongifikola okwe i hovele omudo 1963. Nde te i longo nouidiini.

Omudo 1980, okwa nangekwa ongomukulunhufikola mofikola John Shekudja mouninginino wOkalongo, momukunda Olupito. Omo a longo noupenda nonouidiini shili fiyo okwa kwatwa kouyahame wefimbo lile meembete, mOshikuku nomOshakati omo a dimbukila.


Okudjapo kwaye okwa ehameka unene omwenyo weongalo Okalongo nOstikondo shElongo mOwambo mokukanifa ependa, Shikodi Shomukwanyama edina a li e li hole unene.

Okwa fiya po omukulukadi waye nosho yo ounona vatanonakamwe.

"Ndele ove, inda ashike fiyo exulilo tali uya, ove u tulumukwe, ndele u nymukile oshipewa shoye pexulilo lomafiku." Dan 12:13.

"Osheshi novanaendunge otava ka yela va fa eulu, naava va longo nde va twala vahapu moyuyi tava ka vilima va fa eenvofi dokeulu alushe fiyo alushe." Dan 12:3

S. M. Haimbili



Nakusa A. Hangula

OMUKWETU

Oye oshifo shOngeleki Onkwaevangeli paLuther yomOwambokavango.

Ohashi nyanyangidhwa mOshinyanyangidho shOngeleki mOniipa.

Omukuluntu gwoshifo omumbisofi Dr. Kleopas Dumeni, Amushanga gwoshifo omusita Sebulon Ekandjo

Ondando yOmukwetu muNamibia naSuid-Afrika R 5,00 komumvo.

Palwe muAfrika R 8,00 nokombanda yomafuta R11,00, komumvo. Mondhila R13,00.

Oondando nomambestelo agehe naga tumwe kOmukwetu, Oniipa, P/Bag 2013, Ondangwa, 9000

EV. LUTH. OWAMBOKAVANGO CHURCH PRESS
PRIVATE BAG 2013, ONDANGWA 9000
SWA/NAMIBIA